



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

4478

281.69

7-36

1866

2010

82 [unclear]

Հ.Ա.Խ.Է. ՀԱՆՐԱՅԻՆ ԳՐԱԳԱՐԱՆ  
С.С.Р.А. Публичная Библиотека  
7/11-1922  
ՄԵՆԱԿԱՆ ԿՆՅԱՆԻ ԱՆՎԱՆ

Ա. Ռ



# ԱԶԳԱՅԻՆ ԺՈՂՈՎՆ

281.6a

Z-36

300

1584-ՋԱ

ԿՈՍՏԱՆԴՆՈՒԳՕԼՍՈՅ



12346

Ի ՍԱՐԳՍԷ

ԱՐԻՆԳԻՍԿՈՊՈՍԷ ԶԱԼԱԼԵԱՆՑ



500  
584-ՋԱ

Կ. ՊՕԼԻՍ  
ՏՊԱԳՐՈՒԹԻՒՆ ԱՐԱՄԵԱՆ

1866

13536

Ա. Ռ.

Գ Ե Ր Ա Գ Ո Յ Ն

# ԱԶԳԱՅԻՆ ԺՈՂՈՎՆ

ԿՈՍՏԱՆԳՆՈՒՊՈԼՍՈՑ

Պարոն ոմն Ստեփան անուն Պերճ Պօղոսեան Փափագեանց ի դասագրքոջն յօրինեցեալ յինքենէ Ազգային Պատմութիւն անուամբ՝ տպեալ ի Պօլիս ի 1863 ամի, յերես 188. յօդ. 155. գրէ այսպէս.

« Քուրբատանի Նպիտակոսներէն Վաթողիկոսի ընտրութեան զլսաւոր պատճառներէն մէկը այն էր, որ եթէ Ռուսաստանէն ըլլար ընտրութիւնը, չըլլայ թէ Ռուսաց Տէրութեան զօրութեամբը Զաւախանց Սարգիս Նպիտակոսը յափշտակէ այդ Հայաստանեան գանձը, ընտրէ իւր իւր արդէ կամայր, վասն զի Զաւախանցը, իւր անարժան փորձունքովը, և ուսասեր բարուքը հանգուցեալ Ներսէս Վաթողիկոսի ազգասիրական ձեռնարկութեանցը դէմ հակառակութեամբ, և անոր անձին դէմ թշնամարար վարուելովը զամէնքը զայրացուցեր էր և սակի եղած էր ամէնուն: »

Արդարև վասն Շանչեանցի ուրումն, որ հրամարեցաւ ի պաշտօնէ վերատեսչութեան ի Ներսիսեան ուսումնարանէ, յաւուրս առաջնորդութեան իմոյ ի Տիփլիս՝ բազումք ի մերայնոց համախոհք նորին առ ի արատաւորել զանուն իմ, թշնամական և խորամանկական ձգտողութեամբք և լեզուագարութեամբք՝ աղօտապէս և արուեստակութեամբք ի Հիւսիսախաչ լրագիրն հրատարակեցելովք, նաև յանատրագիր նամականիս և զգլխերայն ի շուկայս ցրուեալ ի գրութիւնսն խօսեցեալ են զայդմանէ, ցուցեալ զիս իբր Ռուսաւեր և թշնամի հանգուցեալ Հայրապետին Ներսիսի, և Սաղէական խմորով զբազմաց միտս շփոթեալ են, սակայն ոչ որ ի նոցունց մինչև ցայժմ իբրև զՊարոն Փափագեանցն գրեալ ինչ է, կամ խօսեցեալ այդպէս ակն յայտնի նախատանօք և վատահամբաւութեամբ՝ վստահութեամբք ելեալ յասպարէզ տեսութեան ընդհանրութեան ազգի, և ես որոնէի զնոսա և որոնեմ, բայց ոչ

որ զայր առ լոյսն և ելանէր յերևան իբրև զՊարոն Փափագեանցն, զոր և ես չ'ճանաչեմ իսկ :

Արատուորել զանուն ուրուք զրպարտութեամբ և արհամարհել զպատիւ նորա չարաչար նախատանօք, մի և նոյն է սպանանել զնա բարոյական մահուամբ. թէ և ես՝ զոլով առաջի Աստուծոյ, առաջի Ազգին իմոյն առաջի խղճմբտանաց իմոց անստգտանելի՝ պարտ էի ապաքէն զգրութիւն նորա՝ բրզգումն ճանճից համարել և սառնութեամբ արհամարհել զնոյնն. սակայն գուցէ լռութիւն իմ պատճառեցէ զսոսկային գայթակղութիւն լրութեան ազգիս, և որովհետև գայթակղեցուցանողն՝ մինչև անգամ զմի ի փոքունց պարտ է կախել զպարանոցէ իւրով զերկանաբար և անկանել ի ծով, զինչ ապա այնմիկ, որ զբովանդակ Ազգն ամիցէ ի գայթակղութիւն. և որովհետև այն արատ ոչ է վերաբերելի առ միմիայն որ և իցէ անձն, այլ առ ընդհանրութիւն լրութեան Ազգին, վասն որոյ և ես դիմեմ ի դատաստան Գերագոյն ժողովոյդ, որ է լրութիւն և կեդրոն ամենայն իրաւանց այնոցիկ Հայոց, յորոց միջի և արդէն Պարոն Փափագեանցն բնակի. բանզի զսոյն վէճ և զտարակուսանս ոյր են իրաւունք վճռել, եթէ ոչ Գերագոյն ժողովոյդ, զի Տէր է դա արդարութեան :

Վասն ընտրութեան Կաթողիկոսին ի Տաճկաստանէ, ոչ ի դէպ համարիմ երկայնել զբանս, բանզի բաջայայտ իսկ է պատճառ նորին ամենայն խոնձամիտ և հեռատես ազգայնոց մերոց, վասն զի նոյն ընտրութեանն պատճառ ոչ այլ ինչ էր, եթէ ոչ հաստատել զնոյն կարգս և զկանոնս, որք յառաջ քան զբառասուն ամս շարունակէին ի մէջ Հայոց բնակելոց ի Տաճկաստան, որոյ վասն ես իսկ էի, որ առաւել քան զամենեսեան աշխատէի յամենայն հարկաւոր տեղիս : Եւ առ բան նորա, որով համարի նա զիս իբրև թէ ոռոսասէր բարուքս ատելի եղեալ առաջի Ազգին՝ հարկ լինի ինձ մտածել առ ենթադրումն նորին : Ես ոչ ժխտեմ զի փոխարքայն Կովկասու կնեազ Բարեատինսկին յաւուրս առաջնորդութեան իմոյ ի Տփլիս՝ էր ընդիս սրտեռանդն բարեկամ, որպէս և բարերարն նորին Կնեազ Վարանցովն բարեկամ էր ընդ Տ. Ներսիսի, ի պատիւ որոյ և Բարեատինսկին ունէր առ իս զպատիւ մարդասիրութեան ոչ սակաւ : Սակայն և առ այս միթէ կարելի է իբրև զյանցանս ինչ համարելով ինձ՝ թշնամաբար անուանել զիս Ռուսասէր : Եւ եթէ որքան ազգաշահ գործք յառաջանան ի սիրոյ իշխանաւորաց Տէրութեան, նոքա՝ որք վարեն զիշխանութիւն Ազգային ազգասիրական հոգով՝ կարեն փորձառութեամբք իւրեանց վկայել առ այս. բայց եթէ Պարոն Փափագեանցն ունի զապացուցական տեղեկութիւն ինչ, զի ես անարժան վարուք և ոռուսասիրութեամբ լեալ եմ ատելի առաջի Ազգին, թող ցուցցէ

զատեցողսն զիս և զստուգութիւն բանից իւրոց : Ես աւելորդ իմն համարիմ մի առ մի յիշել զազգասոցու և զկարևորագոյն ծառայութիւննս, զորս մատուցեալ եմ Ազգին ի ձեռն նոյն Բարեատինսկուն. թէ իմով ներգործութեամբ և թէ յանձնարարութեամբ Տեառն Մատթէոս Կաթողիկոսին Ամենայն Հայոց, որք կան ակներև առաջի ամենեցուն և զորս թշնամիք ճշմարտութեանն ոչ կարեն ընդ վարագուրաւ ստուծեանն ծածկել, թէ և բազմիցս աշխատ լիցին :

Իսկ առ կարծիսն Պարոն Փափագեանցի վասն ծառայութեանց իմոց և վասն որպիսաբար վարմանցն իմ առ Ազգն, առ եկեղեցին և առ նոյն իսկ անձն հանգուցեալ Աստուածարեալ Հայրապետին Ներսիսի՝ ես ոչ յանձնէ իմ վկայեմ, զի գրեալ է, թէ՝ « Որ զանձնէ իւրմէ վկայէ՝ վկայութիւն նորա չէ ճշմարիտ, » Այլ վասն այնորիկ առաջի առնեմ Ստենիդ վկայ հաւատարիմ քանի մի օրինակս կոնդակաց Տ. Ներսիսի ուղղեալս առ իս ի ժամանակս ժամանակս ծառայութեանց իմոց, որք և մասնաւորապէս ի պատճառս Պարոն Փափագեանցի զրպարտութեանն տպեալ են միջնորդութեամբ Արշալոյս Արարեսեան լրագրոյն ի 1863 ամի. (համար 110 ի Զմիւռնիայ.)

Ա.

Ի 14<sup>6</sup> Յունիսի 1848 ամի,

Ներսէս ծառայ Քրիստոսի . . . . . Կոնստանդնուպոլիսի Հայոց Վրաստանայ գրեմ,

Զի Ենտրնուակ Սարգիս Վարդապետ Սանահնայ Սուրբ Աստուածածին վանաց, որպէս ծոցածին արժանաւոր իւրումն կոչման ուխտի՝ յայտնելով զիւր վարդապետական կոչումն. իւրով սրտեռանդն ցանկութեամբ ազգական բարեաց կարողացեալ է ըստ յաջողելոյ Տեառն տաճարի յիշեալ սրբոյ վանից սկզբնաւորել անդէն զուսումնարան մանկանց Հայոց յամի 1845 . . .

Բ.

Առ ժողովուրդսն Վաղարայ յամի 1851. Յունվարի 2<sup>6</sup> համար 158 . . . . . Հարազատ մշակն Սրբոյ եկեղեցւոյ և Ազգի Հայոց բազմաշխատ Սարգիս Վարդապետն Զարպետն և ասպետ. կարգեալն ի մէջ վերահասու և քննիչ հոգևոր գործոց վիճակին Աստրախանայ՝ հրապարակական քննութեամբ բաղեալ ի գործոց Կոնստանդնուպոլիսի և ի սեպհական ապահովագրոց Սերովբէ և ի սկսկոպոսի տուն լոյց զործավար անձանց, ցուցանէ ստացեալ հարիւր վեց

Գույշէ Ղլլւմ

հազար քառասուն և ութ մանէթ 24½ կոպէկ, հոգեկան արդիւնս և զնուիրեալս և կամ զկտակեալս յօգուտ Սրբոյ Աթոռոյն Եջմիածնի և այլոց վանօրէից և եկեղեցեաց, յորմէ և ոչ մի կոպէկ հասուցեալ է Կաթուղիկոսին կամ Սինօղին Եջմիածնի և ոչ յայտնեալ է բնաւ վասն ամենարարեպաշտ նուիրանաց պատուելի ժողովրդեան Հայոց . . . . .

Ք.

Ի 10<sup>6</sup> Փետր. 1851 ամի համար 58.

Շնորհազարդ Սարգիս Վարդապետ և Ասպետ,  
Ընկալեալ զգրութիւն ձեր ի 17<sup>6</sup> Յունվար այսր ամի, համար 8. և մխիթարութեամբ իմում հոգւոյ ընթերցեալ ի լուր Ատենակալաց ի Սինօղին և անդամոց վանքական կառավարութեան՝ զոհութեամբ իմով զԱստուծոյ վասն պարգևելոյ զձեզ բաղմաշան մշակ սրբոյ Եկեղեցւոյ Հայրենեաց, ուստի և իմով հարուստ յուսով ի վերայ Ձերում հանճարաւոր խորհրդածութեանց վասն եկեղեցական արժանաւոր կարգաւորութեանց ըստ վայելչութեանց համազգական քրիստոնէական բարեպաշտութեանց, որ ի դարաւոր ժամանակաց սկսեալ ցարդ ևս զտանի անխնամ յամենից հոգևորական կառավարչաց, որով և ամենայն Ազգն Հայոց ըստ ամենայն տեղիս զտանի զրկեալ ի բազում բարեաց ազգականաց և ի մխիթարութեանց հոգևորականաց յառաջնոց և ի վերջնոց որպէս երևին բացայայտ ի սմին Ձերում գրութեան անհոգութիւնք առաջնորդաց և ընդ նորօք իշխանութեանց:

Ք.

Ի 18 Մայիսի 1851 ամի համար 157,

Առ Կնեազ Միխէէլ Սիմոնովիչ Վօրոնցով Փոխարքայն, յազազս վիճակին Բարթուղիմէոս առաքելոյ մխառելոյ ընդ վիճակաց Պատրիարզին Կոստանդնուպօլսոյ:

Մանուցանեմք Ձերոյին պայծառափայլութեան, թէ՛ վասն այսր գործոց ընկալայք զգիր ի Պատրիարզէն Կ. Պօլսոյ, որ հարցանէ զկամս իմ. որում զեռ չեմ պատասխանեալ ի պատճառս մնալոյ հոգևոր գործոց Կ. Պօլսոյ վերաբերելոյ մեզ ի խանգարման, զոր վասն ուղղելոյ չունիմք զոք ընդունակ հոգևորական, ոչ Եջմիածին, ոչ ի հինգ վիճակս Ռուսաստանի և ոչ ի Տանկաստան. որում մարթիցէ առնել զյանձնարարութիւն, բայց ի Սարգիս Վարդապետէ Զալալեանց, որ հրամանաւ մերով առնէ զքննութիւն յԱտրախանու վիճակին, և սպասեմք զպատեան նորա առ ի առաքել ի Կ Պօլսո:

Եւ զի ոմանք ի Կաթուղիկոսաց աշխատեալ են ստանալ ի Սուլթանաց Օսմանցւոց ի Շահից Պարսից զՖարմանս, որովք տուեալ լինին Կաթուղիկոսաց իրաւունք Ազգիս և հաւատոյն ազատութիւն և օգոտս, ուստի զպատճէնս այնոցունց Ֆարմանաց տամք արտագրել և նախ առաքել առ Ձերդ պայծառափայլութիւնն, և ապա ի ձեռն նոյն վարդապետի հանդերձ խընդրազրով առ Սուլթանն, առ ի հաստատել զտուեալ իրաւունս ի նախորդաց իւրոց, և յայնժամ ունի ազգն Հայոց մնալ ընդ իշխանութեամբ Կաթուղիկոսին Եջմիածնայ ըստ առաջնոյն և եկեղեցական կառավարութիւնն բարեկարգեացի . . . . .

Ե.

Ի 22<sup>6</sup> Յունիսի 1854 ամի համար 217.

Քարեզան և բազմազան Սարգիս վարդապետ և ասպետ Զալալեանց.

Գիր Ձեր առ մեզ ի 26<sup>էն</sup> Փետր. ամին անցելոյ համար 57 ընկալեալ յ8<sup>6</sup> Յունվարի, հանդերձ տետրակաւ 955 ռուբլի. 58 կոպէկ ծախուցն Ձերոց յամի 1855. թէպէտ առաքումն Ձեր զհաշուեցուցակ ստացելոց և ծախելոց՝ է համաձայն ընդհանրական կանոնաց սահմանաւոր համաշխարհական տարեկանութեանց, որպէս ի մտին ձերում քննարիտ վարդապետական ընաւորութեանց վկայեցելոյ ի բազմամեայ ժամանակաց՝ բանք Ձեր վասն արդեանց և ծախուց՝ մի և նոյն են առ մեզ ամենահարազատ հաշուեցուցակ, զի հաւատացեալ և մք թէ՛ են համաձայն աւետարանութեանցն: Եղիցի բան այնն, այնն ոչն ոչ:

Զ.

Յամի 1854. Յունիսի 22 . . .

Հանճարունակ հարազատի Սրբոյ Առաքելական եկեղեցւոյ Հայոց մեր Սարգիս վարդապետի և ասպետի Զալալեանց . . .

Առ որ այժմ միշտ զձեր բարձր Արժանապատուութիւնն կարգեցաք մեր փոխանորդ վասն ամենայն գործոց եկեղեցականաց յանձն եղելոց մերում համազգական եկեղեցական ծայրագոյն տեսչութեանց՝ զրեմձազ . . . . Ընդ ընկալնուլն այսմ գրութեան մերում, որպէս և արժան դատել ունիցիք զուր կամ բանիւ կամ զրով պահանջեսցիք ի Կոնստանտնուպօլսէն զօրինակն այնմ, պրօզոգիօի (համախօսութեան) . . . . .

է.

Յամի 1854. Յունիսի 22 . . .

Շնորհաշուք Սարգիս վարդապետ և ասպետ Զալախանց . . .  
 Յայտնեմ Ձերում արժանանձնութեան հարազատի Սրբոյ Առաքելա-  
 կան եկեղեցւոյ Հայոց և մեր՝ Աստուածապարզ և բարեզան մշակի Սրբոյ  
 տաճարի Աստուծոյ և ժողովրդեան Հայրենեացս՝ զշնորհապարտութեան  
 իմ, զի գումարք տարեկան արդեանց ամենայն շինուածոց մերոց ի Քիչ-  
 նև քաղաքի գոլով ընդ տեսչութեամբ նորուն գերազնուականութեան  
 Աղայ Աստուածատրոյ Աւետեան Անուշեանց ի տարին 2041 ռուբլի արծաթ  
 այժմ ի հաշուէցուցակին արդիւնաբեր տանց և տուքանաց առաքեցելոց մեզ  
 այսու Ձերով գրութեամբ ի 26<sup>6</sup> Մայիսի համար 55. ընթերայ եղեալ եր-  
 կու հազար ինն հարիւր հինգ, (2905.) ռուբլի արծաթ, արտաքոյ գտանեցե-  
 լոյն ի ներքոյ զաշնադրութեանց կարօտելոց լրութեանցն ժամանակաց  
 տանցն՝ եղելոց ընդ 33. 12. 1. և 22. համարաց . . .

Ը.

Յամի 1854. Սեպտ. 27. համար 540 . . .

Շնորհունակ Սարգիս վարդապետ և արժանաւոր ասպետ,  
 Գիր Ձեր առ մեզ ի 29<sup>6</sup> Օգոստ. համար 85. և նոս մեզ ի 23<sup>6</sup> այսմ ամսոյ  
 հանդերձ եղելովքն ի նմին այլ միւս թղթով Ձեր առանց համարոյ՝ և  
 մակարդակաւ Ձեօք կտուցեալ տանն յանկեան որմանն այգոյն առաջ-  
 նորդարանի . . . . . յազագս շինելոյ հաստատուն հիմամբ  
 զ95 սաժէն տախտակօք պարսպեալ գետնոյն և յերկոսին յանկիւնսն  
 նորին զերկոսին տունսն մեօք առաջադրեալ Ձեզ, որոց միոյն առաքեալ  
 էք զձեն Ձերով գովանի աշխատասիրութեամբ հիմնարկեալ և կատարելա-  
 գործեալ և ըստ Ձեր նշանակելոյ նաև ծածկեալ գտանիսն: Բերկրութեամբ  
 հոգւոյ իմոյ օրհնելով զբարեգութն Աստուած աղաչեմ զմարդասիրու-  
 թեան նորա օրհնել զՁեզ և զկեանս Ձեր և զամենայն աշխատութիւն Ձեր՝  
 Ձեզ յատկացեալ բարեշանութեամբ վասն Մօրն Լուսոյ . . . . . Կաթուղիկէ  
 Էջմիածնի . . . . . Նոյնպէս ևս ոչ գտաւ զարմանալի ինձ ցայն վայր անօգ-  
 նական գտանելն Ձերում արժանանձնութեան անծանօթի իւրումն սեպուհ  
 պարտաւորութեանց Սրբազան Մատթէոս եպիսկոպոս վիճակաւորի մինչև  
 ինայել ձեզ զօգնականութիւն իւր փոխատրութեամբ երկու հարիւր մա-  
 նէթ արծաթ զրամոց վասն շինուածոց յազագս Սրբոյ Էջմիածնի ի բազում

զանձուց յանուն նորին Էջմիածնի մատուցելոց ինքեան ի ջերմնաւորական  
 նուիրանաց նորուն լուսածնուդ զաւակաց ամենասիրելի ժողովրդեան Հա-  
 յոց: Եւ զու մի բնաւ զարմասցիս վասն նոցուն . . . անօգնականութեանցն  
 Ձեզ, այլ հաւատարիմ յուսով ըստ մարգարէական ճայնարկութեանցն՝  
 թէ բարի է յուսալ ի Տէր, քան յուսալ ի մարդիկ, և զու յուսն ի Տէր և լեր  
 աներկեան, և արն զամենայն բարի՝ հաւաստի եղեալ թէ և ձեզ ըստ զրե-  
 ցելումն՝ օրհնեսցէ Աստուած ի վազորդենէ մինչև ի վազորդեան, զի նոյն է  
 Աստուած որպէս և օրհնեալ է զձեզ ի ձեռն ծառայի իւրոյ անծանօթի Սրբոյ  
 Էջմիածնի նորուն զերարժան անձնութեան Իվան Ալէքսէիչ բարերարողի  
 Ձեզ ի ժամանակի Ձերում կարեաց . . . . . Եւ զու լեր՝ յապահովի զի ոչ  
 յիմում կենդանութեան և ոչ յետ վախճանի իմոյ չունիք զուք մնալ պար-  
 տաւոր ումեք ի մասին զումարաց ի գործարկելոց Ձեօք վասն շինուածոց  
 յանուն Սրբոյ Էջմիածնի որպէս և յառաջ քան զայս ունիմք զրեալ Ձեզ . . . . .  
 Յաղագս տարակուսանացն փոքրիկ թղթով զրեցելոցն ձերոց առանց մեր  
 հրամանի ստանալոյ Ձերոյ զպարտս վասն շինութեանցն առաջադրեցելոցն  
 Ձեզ ի զուր են կարծիք Ձեր և զրազրութիւնք, զի Ձեր Ձերում վարդապե-  
 տական արժանաւորութեանց հարազատութիւն հոգւոյ վասն եկեղեցւոյ  
 Հայրենեաց և մերում անձին և հրաման տամ Ձեզ ընկալնուլ զամենայն  
 զգումար ամսական և տարեկան վարձուց ամենից շինուածոցն մերոց ի լոյս  
 ընծայեցելոցն Ձեօք . . . . . և ցանկալի է ինձ թէ համաձայն Ձերոց ցան-  
 զութեանց ամենայն շինուածք մեր այդր ի Քիչնև կատարելագործեսցին  
 Ձեօք: Ինձ հարկաւորագոյն էր վազվազակի վերադառնալն Ձեր առ մեզ,  
 վասն առաքելոյ զՁեզ ի Կ. Պօլիս, այլ զի յառաջ քան զվախճան այսմ  
 անսկիւկալ տարածայնութեանց հզօր տէրութեանց չէ կարելի առաքելն  
 մեր զՁեզ ի Կ. Պօլիս, ընտրելի դատիմ զի ի դաղարել գործառնութեանց  
 շինուածոցն այդր յազագս ցրտութեանց վերաժամանելոյ յանձնառեալ զա-  
 մենայն զժուարագրութիւն ճանապարհորդութեանց եկեսցիք առ մեզ և  
 վերադարձուցցուք յառաջ քան զբառնել զարնան . . . . .

Թ.

88—Մարտ. 1855 ամի .

Ներսէս ծառայ Քրիստոսի . . . . . Աստուածա-  
 յին առանձնաշնորհութեանց պարգեօք բարետոմիկ մեծագործ հօր որդի  
 Յովհաննէս Մուրատ Պէյ, Մանուկ Պէյեան ջերմեռանդութեամբ հոգւոյ իմոյ  
 սիրեցելոյ . . . . .

Հարազատ մշտին եկեղեցւոյ Հայոց Սարգիս վարդապետ Զալախանցն



ողջամբ ժամանեալ առ մեզ . . . . . Յորմէ լուեալ վասն ցանկալեացն մեզ յաղագս Զերում որպիսութեանց, զոհացաք զԱստուծոյ Սարգիս Վարդապետն բերի վասն եպիսկոպոս օծելոյ, ըստ որում բաց ի նմանէ յայժմէն ժամանակի վասն եկեղեցւոյ Հայոց կամ վասն ազգի և կամ վասն Էջմիածնի, ոչ գոյ բան զնա անձն յուսալի . . . . .

Փ.

Ի 17<sup>6</sup> Մարտի. 1856 ամի. համար 99. ի սպասարանի գրութեան ազնըւական Սարգիս Մելիքվանեան . . . . .

Գրութիւն ձեր առ մեզ յ7<sup>6</sup> Յունվարի. ընկալեալ յ8<sup>6</sup> ամսոյս. և ընթերցեալ արժանաւոր մտադրութեամբ, գտաք զայն ոչ որպէս զանգատագիր ձեր միայն վասն Զեր զրկանաց ի Սրբազան Սարգիս եպիսկոպոսէ հարազատէ Սրբոյ Առաքելական եկեղեցւոյ Հայոց և մեր, այլ որպէս ամբաստանական գրութիւն յաղագս նորուն Սրբազնութեան իշտանելոյն ի տան Մարտիրոսի Հախումեանց՝ Զեր թշնամի եղելոյ ըստ Զերում այսմ գրութեանց, Մեր զնա առաքեալ եմք որպէս հարազատ մեր և եկեղեցւոյ և ամենայն միաբանութեանց մերում հայրենի Ազգի Հայոց յաղագս վերաքննութեանց Կոնսիստորիական կառավարութեանց և ամէնից քրիստոնէական բարեկարգութեանց մերում ծայրագոյն վերատեսչութեանց յանձն եղելոց, որոյ եպիսկոպոսավայելուչ Աստուածահրաման բարեպաշտութեամբ գործավարութեանցն յամենայն գործս յանձն եղեալս նմին առ ի մէնչ ի 1846 ամաց նետէ. այդր ի Ղարաբաղ, ի Նուխի, ի Շամախի, ի լայնածոց վիճակին Վրաստանայ, յԱստրախան և ի Բեսարաբիայ. գտանին շատագովեցեալք յամենայն միաբանութեանց իւրաքանչիւր վիճակաց, որոց իւրաքանչիւրքն ևս ազերսեն մեզ կարգեալ վիճակաւոր ինքեանց . . .

(Թող չ'մոռցի Պարոն Փափագեանցն յայն թէ՛ եմ լեալ Ազգին, բայց որ ազգին, զի սորա են անս ծանօթքն իմ, որք գրեալ են զջատագովութիւնս, և են աւելի բան զկէս միլիօն անձինս :)

ՓԱ.

37<sup>6</sup> Յունիսի 1856 ամի համար 286.

Առ յողովարդան մայրաքաղաքին Մոսկուայ :  
Առաքեցաք փոխանակ մեր զհարազատ մշակն Սրբոյ Առաքելական եկեղեցւոյ Ազգի Հայաստանեայց, և զՔրիստոսապատկեր հովիւն ամենասուրբ արեամբ Քրիստոսի զնեալ քսակն հոգին հաւատացելոյ մերում

հօտասպետութեանց զՍրբազան Սարգիս Արք եպիսկոպոսն Զարաբանց կոչեցեալ, վասն փոխանակ մեր ներկայ գտանելոյ ի հանդիսի Սրբազան օրինակատարութեանց ինքնակալի ամենայն Ռուսաց . . . . . Օծելոյն Աստուծոյ . . . . . Եւ յանձն անեմ զնորին Սրբազնութիւնն . . . . . ընկալնուլ զնա որպէս պատկեր և փոխանորդ մեր, և գտանել մարդաւէր առ նա որպէս բարի և հաւատարիմ ծառայ Աստուծոյ և հարազատ մշակ Սրբոյ Առաքելական եկեղեցւոյ Հայկազանց :

Անս այսորիւք կոնդակօք զորս զրեցաք ի բաց թողլով և զայլ այսպիսի կոնդակս բազումս զգրեալս ի Հայրապետէն Ներսիսէ յապացուցութիւն ծառայութեանց իմոց և վարմանցն իմ առ Ազգն և առ անձն նորա՝ կարէ Ատեանդ դատել զգործսն իմ և զորպիսաբար յարակցութիւն իմ առ նոյն Հայրապետքն և առ Ազգն, ապաքէն մակդիրքս այսորիկ, զորս յիշէ Նորին Վեհափառութիւնն ի Կոնդակսն իւր յայտարարք են շնորհակալութեանց նորա առ իս և հայրախնամ անյեղլի սիրոյն ի տրիտուր անձնանուէր ծառայութեանց իմոց, և թէ և հարկն ստիպէ զմեզ աստանօր վասն պաշտպանելոյ ճշմարտութեան և ի յանդիմանութիւն ստուծեան և մեռեալ խրդճիւ թշնամութեանն Պ. Փափագեանցի առ իս՝ յիշատակել յակննէ յանւանէ մի առ մի զամենայն արդիւնաւորութեան գործոց իմոց և ծառայութեանց յօգուտ ազգի և եկեղեցւոյ և ի միսիծարութիւն սրտի Աստուածարեալ Հայրապետին, զորս թէ յաւուրս նորա. և զորս թէ յետ վախճանի նորին՝ այն թէ որպիսի եղանակօք, և զորքան կորուսեալ դրամս Աթոռոյն հանեալ եմ ի կորստենէ, ընդ նմին և բացեալ եմ աղբիւրս նորանոր արդեանց և շահեկանութեանց, շինեալ եմ զուսումնարանս ի տեղիս տեղիս ի կրթութիւն հայ մանկտոյն, սեպհականեալ եմ Աթոռոյն բազում հայթայթանօք զվիճելի կարուածս բազումս և մեծագինս, յաւելեալ եմ զնորանոր շինուածս կրպակաց և այլ ամոռապատկան տանց և տեղեաց, և այլ ևս բազմադիմի եղանակօք յառաջացուցեալ եմ զազգաշահ գործս ըստ տանելոյ կարողութեանս ի սէր Ազգին՝ բայց աւելորդ իմն համարիմք պանծաբանել վասն այսպիսի մերոց աշխատութեանց, յանուն անուան թըուելով զայնս, բանզի նպատակ իմ եղեալ է ոչ զանձն իմ, այլ զազգն շահել, ըստ սեպոսի պարտաւորութեանց հոգևորական կոչման իմոյ, և մանաւանդ զի գրեալ իսկ է, թէ « Մի գովեսցեն զքեզ՝ բո շրթունք » : Ապս զիւնրդ Պ. Փափագեանցն կամի արատաւորել զանուն իմ առաջի ազգին, որում լեալս եմ անձնանուէր և անձուրաց ծառայող : Իսկ եթէ ունի նա ճշմարտութիւն խօսելոյ, ևս զճշմարտութիւն նորա ոչ կամիմ ծածկել : Թող յայտնեսցէ ապացուցարար ի դատապարտութիւն իմ և ամենայն գործոց իմոց, և ի հեր-

բուն ամենայն հօրացեալ կոնդակաց երջանկայիշատակ և ազգասէր Կաթողիկոսին Տեառն Ներսիսի, որք գրեալք են վասն անձնադիր և հարազատ մշակութեանց և ծառայութեանց մատուցելոց ինև Ազգին իմոյ սիրելոյ:

Ի հետևումն բանիցս այսոցիկ ըստ զօրութեանց վերոգրեալ կոնդակացն յընթացս ամենայն իմոց գործառնութեանց, եղեալ եմ հաւատարիմ առ Ազգն առ Եկեղեցին և առ անձն նորին սրբութեան Տեառն Ներսիսի: Քանզի Նորին սրբութիւնն առաքեաց զիս պատգամաբերութեան հանդիսի թագադրութեանն ի մայրաքաղաքն Մոսկով, յ7ն յուլիսի 1856 ամի, որպէս ցուցանէ կոնդակ Նորին սրբութեանն գրեալ առ ժողովուրդսն Մոսկովայ: Եւ ես անդրէն այսինքն ի Մոսկուայէն յետ թագադրութեանն վերադարձայ ի Տփլիս. յէն նոյեմբեր ամսոյ այնր 1856 ամի. և վախճան կենաց Նորին վեհափառութեան եղև ի 13 փետր. 1857 ամի, հետևաբար այսմիկ' անհաւատարմութիւն իմ և թշնամաբար վարմունք ընդդէմ անձին Նորին վեհափառութեան և հակառակութիւն իմ առ ազգասիրական ձեռնարկութիւնսն Նորին սրբութեան ըստ ասութեան Պ. Փափազեանցի՝ զհետ գայ կարծել, թէ՛ ինելոց են յընթացս երկուց ամսոց և երեքտասան աւուրց վերադառնալոյն իմոյ ի Մոսկուայէն:

Արդ՝ խնդրեմ ի գերագոյն ժողովոյդ, զի արդարասէր ատեանդ պահանջեսցէ ի Պ. Փափազեանցէն, առ ի ցուցանել պարզապէս և աներկբայութեամբ, թէ զինչ ազգասիրական ձեռնարկութիւնք են եղեալ Նորին վեհափառութենէն, յընթացս այսր կարճ միջոցի և որպիսի հակառակութիւնք և թշնամանք են լեալ յիմմէ կողմանէ, որպէս զի լուիցէ աշխարհ ամենայն: Եւ զայս ևս կարծել ի դէպ երևի, զի Պ. Փափազեանցն կամ ունի աստէն զխորհրդակիցս նմանապէս ես և ի նոցունց ստիպեալ է բերել ի գայթակղեցուցիչ գրուածն՝ և կամ ինքն ինքնին վստահ է ի գիտութիւն և ի վճռաբար խօսակցութեանն իւրում, ուստի կամ հաստատեսցէ զվկայեալսն յինքենէ, կամ եթէ ոչ հաւատեալ ցուցցէ զնոսա որք եղեալ են թերևս՝ նմա առիթ և յորդոր վասն զնոյնպիսիսն գրելոյ:

Աներկբայելի յուսով մնամ, զի արդարախնդիր ատեանդ ունի կատարեալ զայս իմ իրաւացի խնդիր, և շնորհս արասցէ բաւականացուցանել զիս կամ առանձին, կամ միջոցաւ լրագրի իմիք, վասն զի իմ կամք են և սրբութիւն օրինաց զնոյն պահանջէ, զի թշնամին ազգի և եկեղեցւոյ և նոյն իսկ անձին Հայրապետի, իւրով չարաչար գործովք. եթէ՛ զոյ անձն այնպիսի պատապարտութեան արժանի՝ ի հրապարակ ելցէ տեսութեան լրութեան ազգի անխուսափելի վրիժապարտութեամբ, եթէ՛ ես ինքս եմ և եթէ՛ այլք:

այնուհետև դադարիցի գայթակղութիւնն, որ տարածեալ կայ յամենայն ուրէք ի զուր սերմանեալ յանաստուած և յանխիղճ արանց ի կործանումն ճշմարտութեան, հաւաստի գիտելով թէ՛ գերագոյն ժողովդ ոչ երբէք ցանկայ, զի ոչ և իցէ անձն առանց իրաւանց և արդարութեան ի ձեռն նախանձոտաց դատապարտեսցի սոսկալի զրպարտութեամբ ի չարաչար վիշտ սրբութեան օրինաց:

Եւ թէ վասն էր յուզեցան, կուսակիցքն և համախոհքն Պ. Շանշեանցի, զորմէ յիշեցար ի վեր անդր՝ զինու թշնամութեան և նուաստախոսի բամբասանաց յառնել ի վերայ իմ, ոչ անդէպ համարիմ ի յայտ ածել մասնաւոր ծանօթութեամբ զնոյն անցս: Վասն զի Ներսէս հանգուցեալ Հայրապետն կարգեաց զնա զՊ. Շանշեանցն ի պաշտօն վերատեսչութեան ուսումնարանի իւրոյ, և յետ ինչ ժամանակաց հրաժարեցաւ նա ի նոյն պաշտօնէ, և թէ՛ զինչ էր պատճառ հրաժարմանն՝ անհ ցուցանէ կոնդակ վեհափառ Կաթողիկոսին Ներսիսի գրեալ վասն այսորիկ առ Աղափօն Դաւթեան Հայ իշխանն, ի 1850 ամի փետր. 24ին, համար 47, զորոյ զպատճէնն զնեմ աստանօր:

... Ազնուական Պետրոսն Սամուէլեան Շանշեանց որոյ ազգասիրական յոյսն առաւել էր ի ձեզ և ի մեզ՝ յոյժ պակաս գտաւ զի բաց յինքենէ ոչ զոր կամելով առնել զործակից վասն ուսումնարանի կառուցութեանց, ի կամելն մեր ունել վասն օգտակարացն ուսումնարանի զնորին պայծառութիւնն Անեազ Բանէ Արզութիւնակի, զԱզնուական Դաւթեան Խէրթիւնեանց և նորոգ հաստատեալն յԱզնուական զԳէորգ Մանգիլեանցն. Նա թողեալ զիւր պաշտօնն ուսուցչական կառավարութեանց յայնմ ուսումնարանի Հայոց Թիֆլիզոյ՝ հրաժարեալ յամենայնէ գնաց ի տուն իւր, և թէ՛ զինչ է պատճառ այսպիսի առանձնական տեսչութեամբ միայնակ յօժարելոյն նորա կառավարելոյ ուսումնարանն և զբազմութիւն աշակերտաց, և մասնակից զոր ունելոյ աղազաւ ըստ մերում նախամտածութեանց մեզ յայտնի եղելոց՝ բացէ ի բաց՝ հրաժարմանն՝ մեք չկարողացար նշմարել ինչ առիթ շահաբեր կամ վայելչական, և վասն այնորիկ թողաք զնա երթալ զհետ կամաց իւրոց . . . . . Նորուն ազնուականութեան Պետրոս սիրականին մեր և Ձեր խոստացայ, զի թէ՛ խօսեցեալ ոռնիկն վասն նորա 500 ռուբլի արծաթ սակաւ է վասն իւր՝ տացես զ1000 ռուբլի արծաթ. և հաւատարիմ բանիւ խօսեցայ առաջի՞ղմանց զտանելոց առ մեզ ի մերում սենեկի. զի զոր ինչ և ինքն կամեսցի վասն անձին իւրում առանց խնայելոյ ունիմ տալ ինքեան, այլ չեղև համոզել զնա ի կամս մեր, և ես ևս ոչ առանց պատճառի ըստ իմում նախահոգութեանց չկամեսցայ յանձնել նմա միայնակ՝ զայնպիսի ի սին ժամանակի ուսումնարանական դրութեանց . . .

Չինի ժամանակաց ինչ անցանելոյ ընդ այս Պ. Շանչեանցն միջնորդու-  
 թեամբ իշխանաւոր բարեկամաց իւրոց՝ առ Հայրապետն Ներսէս՝ կրկին  
 անգամ եմուտ ի նոյն ուսումնարան ըստ պաշտաման վերատեսչութեան և  
 ընդ նոյն դասատուութեան քրիստոնէական վարդապետութեան , բայց թէ  
 ընծացս ժամանակաց գործավարութեան նորին Շանչեանցի՝ զինչ ինչ լսելի  
 լինէին վասն մանկանց ուսումնարանին՝ անն և վասն այսորիկ զնեմ ըզ  
 քաղուած ինչ ի կոնդակէ Նորին վեհափառութեան Տեառն Ներսիսի , զոր  
 գրեալ է առ Հոգաբարձուսն նոյն ուսումնարանին :

« . . . . Լսելի լինի մեզ լուր անարժան մերում եկեղեցական ուսումնա-  
 րանի , իբրև զի յառաջագէմ աշակերտք ուսումնարանի անհաւանք գտանին  
 գրութեանց գերարժան հեղինակաց Հայոց՝ Գրիգորի Նարեկացոյ , Ներ-  
 սիսի Շնորհաւոյ , նա իսկ և Սաղմոսարանաց Գաւթի և այլոց հիմանց եկե-  
 ղեցոյ Քրիստոսի հրաշարան Աստուածաբանութեանց , ևս և կրօնի կու-  
 սական կարգաց , Եպիսկոպոսութեանց և Վարդապետութեանց և այլոց զա-  
 նազան եկեղեցական կարգադրութեանց , ևս և աղօթից և ճգնաւորական  
 վարուց , որք համարին առ ի մէնջ հոտ ի մանուանէ ի ման , և ոչ ի ման-  
 ւանէ ի կեանս , վասն որոյ խնդրեմ հանճարաւոր ուշադրութեամբ գտանել  
 նրբահայեաց , թէ՛ ընդէր իցեն տարածեալ այսպիսի անարժան մերում ու-  
 սումնարանի չարահամբաւ լուրք : Եւ մ. ք. հոգ կայուք իութացուցանել ըզ  
 Սարգիս սրբազան Եպիսկոպոսն յազապս առաջնորդութեանց զմեզ և զձեզ  
 և զամենասուրբ Առաքելական եկեղեցի Հայոց : » (ի 1855. ի 27 օգոստոս)  
 Տես ի Տասնամեայ տեսութեան Ներսիսեան ուսումնարանի . երես 96.

Ի 13<sup>6</sup> օգոստոսի 1855 ամի . դարձեալ առ նոյն հոգաբարձուսն :


« . . . . Բայց առաւել զգալի գտանի մեզ . զի լսելի լինին ի հասարակական  
 համբաւոց շնչելունք ոչ պատկանեալ ուսումնարանաց Հայկազանց , իբրև թէ  
 տկարութեամբ կատարելութեան գիտութեանց Աստուածաբանութիւնք  
 կամ այլ շարադրութիւնք նախնեաց Հայոց չեն այնպէս կատարեալք որպէս  
 են կատարելագործեալք յամենայն Ներսիսայ , կամ մանուանդ ի Ներմանիայ ,  
 Հարիւրաւոր ամօք Հոռովմէական ամբարիշտ քարոզչացն էին զայթակղու-  
 թիւնք անուսումն , այլ Քրիստոսեան Աստուածային վարդապետութեամբ  
 առաքինացեալ աղբաց բազմաց զայթակղութիւնք ընդ ամենայն տեղիս ,  
 իսկ ոչ ի վաղուց ժամանակաց առաւել քան զնոցայն սկզբնաւորեցին եւրոպա-  
 կան ուսուցչութեանց զայթակղութիւնք Լուսաբերականաց և Գերմանացոց ,  
 որպէս ոչ ի վաղուց յայտնեցեալն ի Վարաբազ , և ի մերձաւոր ժամանա-  
 կաց հետէ յամենայն սահմանս Տերութեան Օսմանցոց . նա իսկ և ի Կոս-  
 տանդուպօլիս , և իբրև ոչ անհաւաստի բաւական հոչակահարութեամբ նա  
 և ի Շամախի քաղաք , մի և մի արասցէ ամենակատար ուսուցիչն հաւատոյ

Աստուած մեր զթոյրատուութիւն այնպիսեաց զայթակղեցուցաց մերազանց  
 ի Քրիստոսապատուէր առաքելական վարդապետութեանց Սրբոց Լուսաւոր-  
 շացն իւրեանց Թագէտսի և Բարթոլոմէոսի և սրբոյն Գրիգորի Պարթևի .  
 Որպէս մօտայն հագուստի և այլ իրաց , այնպէս և հաւատոյ մօտայն գտանի  
 սիբելի անձնահաւան ընթերցասիրաց , բայց մի է ճշմարտութիւն հաւատոյ  
 այն զոր պատուիրեաց Տէրն մեր Յիսուս Քրիստոս , ուսուցանել ամենեցուն  
 և զոր ուսուցին նորա մինչև ցմանաւորունն բազմաթիւ հաւատոյ , յորմէ  
 պահեսցէ Տէր Աստուած մեր՝ զմեզ և զամենայն Ազգն Հայոց : Եւ այս ինքն է  
 պատճառ , զի ի մասին կարգադրութեան ուսումնական ընթացից ի մերում  
 ուսումնարանի ընտրելագոյն համարիմք սպասել մինչև ցառաքումն Սարգիս  
 Սրբազան Եպիսկոպոսի :

Չուսումնարանական կարգադրութիւնն ի կատար ածել իսպառ՝ արգել-  
 եաց վաղահաս վախճան Տեառն Ներսիսի , իսկ յաւուրս առաջնորդու-  
 թեան իմոյ՝ այս պարտաւորութիւն մնաց ի վերայ իմ . ուստի և ես ընծաց-  
 եալ ըստ մտադրութեանց և նպատակաց Նորին վեհափառութեան՝ հրաւի-  
 րեցի զՊ. Շանչեանցն , զի կատարեսցէ զպաշտօն վերատեսչութեան ըստ  
 կամաց իւրոց . բայց զպաշտօն դասատուութեան քրիստոնէականին զոր  
 ուսուցանէր նա ձեռագիր՝ մուրացածու տետրակօք ի բաց թողցէ , որպէս  
 զի ուսուցեն զնոյն հոգևորական անձինք . մանաւանդ զի՝ նա ինքն Պ.  
 Շանչեանցն զլուրս զտարբէս որպէս հարկն էր , զի լեալ էր կարող կատարել  
 զնոյն ծանր պաշտօն : Յայս հրաւէր իմ Պ. Շանչեանցն՝ չլիտեմ յինչ  
 միտս , զչարեալ ի բաց եթող ընդ քրիստոնէական վարդապետութեան պաշ-  
 տօնին և զվերատեսչականն . իսպառ հրաժարեալ յուսումնարանէն , ասելով  
 թէ՛ առանց դասատուութեան քրիստոնէական վարդապետութեանն՝ ինձ չէ  
 պիտոյ վերատեսչութիւնն : Եւ այսպէս հրաժարեցաւ նա , և վասն այնորիկ  
 համախոհք նորին սկսան այնուհետև զամենայն թշնամանս ի գործ դնել առ  
 իս , զի արատաւորեցեն զանուն իմ և հասցեն նպատակաց իւրեանց , որ-  
 պէս և եղև իսկ . քանզի յետ ելանելոյ իմոյ ի Տփլիսոյ վերադարձուցեալ  
 զՊ. Շանչեանցն կարգեցին ուսումնարանին Շուշույ քաղաքի նահանգին  
 Արշախու դարձեալ այնու իրաւամբք՝ այսինքն ընդ վերատեսչութեանն և  
 Քրիստոնէականին պաշտօնի . զի նա ոչ կամեցաւ մնալ ի Տփլիսի , ըստ  
 որում արդեն ամենայն մտադրութիւնք նորա ի Տփլիսի եղեն յայտնի և  
 հրատարակեալ , վասնորոյ զառանձինն ընտրեաց վասն իւր ի Ղարաբաղ :

Ի 24<sup>6</sup> Մայիսի 1864 , ամի .


Ի Վանս Սանահնայ .



2002

4418

<< Ազգային գրադարան



NL0031437

4279